

**DISPUT****ETRE AR MARO HAC AN DEN YAOUANQ***Ar Maro*

Cetu me eru, va mignon,
Da ober dit renta reson
Demeus da vue tremenet,
Scuis eo Doue ous da velet.

An Den Yaouanq.

Autro Doue, piou eo eman
A zo deut quen dizonj aman ?
Ma speret a zo oll troublet
Gant epouvant eus e glevet.

Ar Maro.

Petra lavares va mignon ?
Lez da spont ha cont da réson
Ha na vouies-te quet ervad
E teujen abred pe divezad.

An Den Yaouanq.

Allas ! zivoas ne vouien quet
E c'leac'h donet quen abred ;
Me zonje din, pa voan dispos,
Ne varvjen, quen e vijen cos.

Ar Maro.

Mes alies e poa clévet
Ne meus biscons den espergnet,
Hac e clean an oll falc'had,
Coz ha yaouanq eus a beb oad.

An Den Yaouanq.

Allas ! sivoas, en joa ar bed
E voa ma speret occupet :
Em yaouanquis voa ma fianç,
Hac em mignon ma esperanç.

Ar Maro.

Penos den sot hac aheurtet,
Ne voaste quet avertisset
Da reformi da voal vue,
Pa ne voas quet sur a un de ?

An Den Yaouanq.

Allas ! me vel on faziet ;
Mar plij ganec'h c'hoas, deportet,
Roit din c'hoas termen,
Ma renqui mervel en pinijea.

— 2 —

Ar Maro.

Penos e fell dide ober
 Pinijen en quen ber amzer.
 Pa ne c'heus gret betec vreman,
 Ha te pell zo var ar bed-man ?

An Den Yaouanq.

Me bromet dec'h a dra certen,
 E rin prontamant pinijen
 Da repari ma yaouanquis,
 Ma roit din termea eur mis.

Ar Maro.

Avoalac'h eus bet a amser,
 Ma carjes ober da zever ;
 Mes ailles pelloch' appel :
 Eru an heur red eo mervel.

An Den Yaouanq.

Pa ne n'en quet ho polante
 Va lezel queit-se en bue,
 Ma plij ganec'h, da vianan,
 Eun devez c'hoas a c'houennan.

Ar Maro.

Harça ! brema paciantet :
 Eru an heur, red eo monet ;
 Rac-se-ta, sonj es coall vue,
 Ret eo monet dirac Doue.

An Den Yaouanq.

Penos eta, mervel so ret
 Ha greis va nerz ha va yec'het !
 Penos quittat va desseniou,
 Va joa, va c'herent, va madou ?

Ar Maro.

Diveat out brema da vouela
 Homan eo da heur divea :
 E han da reï did an tol mervel,
 En heur ma e renques mervel.

*An Den Yaouanq.*E C'HOULEN SIKOUR DIGANT E
GUERENT HA MIGNONET.

O va c'herent ha mignonet,
 E hano Doue, va zikouret :
 Scoet oun gantan d'ar maro ;
 Deut d'am zicour, hastiffo.

Ar Guerent hac ar Mignonet.

Evit brema ne allomp quet,
 Beza hom eus an affer bresset ;
 Pa retoñimp, ni a velo,
 N'oc'h eus quen a fæçon maro.

Ar Maro.

Guel, den zot a den aheurtet,
 Petra respont da vignonet !

— 3 —

Anzao breman den dīvis,
Peguen tromplus e a yaouanquis !

An Den Yaouang,

Guir a larit me zo tromplet
Gant yaouanquis ha mignonet ;
Breman me ro dē mil mallos,
D'am oll malheur e zint bet caus.

An Den Yaouang.

E C'HOULEN SICOURS D/GANT DOUE
HAC AR VERC HEZ.

Me ho suppli, o va Jesus !
Ha c'hu Guerc'kez, Mam druezus,
Me ho ped dre o madelez.
D'an zicour c'hoas, me pec'her kez.

An Autrou Doue

Penos en teus an assuranç,
Da c'houlen ouzomp assistanç !
Bepret ont bet hom adversour,
Petra ve demp·ni da zicour.

An Den Yaouang.

E C'HOULEN SICOUR DIGANT AR SENT.

O Zent, mignonet da Zoue,
Ho ped truez ous va ine !
Gant an oll hon abandonet ;
En hano Doue va zikouret.

Ar Zent.

Penos e c'heus an hardisson
Da c'hout'en hon protection !
Ne c'heus quet miret hon gœliou,
Nac imitet homi vertuziou.

An Den Yaouang.

E C'HOULEN SICOUR DIGANT E
ÆL MAD

O va Æl mad ! ô va den quer !
Var gardien en peb amzer,
M ho ped, va zicour it brema
Em necessite diveza.

An Oel

Quement a ell'en a meus gret,
Betec vremant en da andret :
Poent e zeo din d'abandoni,
Pa ne teus quet sentet ouzin.

An Den Yaouang.

Me vel ervad è tremenet,
Va amzer da veza sicouret ;
Bevet a meus en libertin,
Doue ra justic er fin.

Em maro em diles Doue,
Pa'm boa dilezet em bue ;
Resistet meus d e oll gräcou'
Hac em refus em gouennou

— 4 —

*An Den Yaouang.***O QUITAD HE GUERENT HAG HE VIGNONET**

Dilezet oun en abandon ;
 N'en deus mui évidon pardon,
 Adieu, querent ha mignonet,
 Adieu, bed fall ha miliguet.

*An Den Yaouang.***E QUITAD JOAUSTET AR BED-MAN**

Adieu, grandeur ha bombançou,
 Enoriou ven a triomphou ;

Adieu d'an traou eus an douar ;
 Adieu d'an ev, adieu d'he c'hloar

Malloz d'ar vam, mallos d'an tad.
 A zo bet ouzin quen ingrat,
 M'o deus gret din coll va ine,
 D am beza lezet em liberte.

E c'han da veza interet
 En ifern gant an dud daonet;
 Da lesqui ebars ar flammou,
 Da james gant an diaoulou.

Ha possubl ve, o va Doue,
 E serfoc h ouzomp dor an ev :
 Obtenet demp, o va Zalver ?
 Eur plac en ho cloar eternel.

(Propriété.)

